

Gjuha dhe integrimi

[Integrimi](#)

[Ofertat për integrim](#)

[Gjuha](#)

[Të mësosh gjermanisht](#)

Integrimi

Nga të huajat dhe të huajt pritet, që të integrohen në shoqëri. Kjo përfshinë respektimin e ligjit, kujdesin financiar për veten dhe mësimin e gjermanishtes.

Parimet kryesore më të rëndësishme

Të gjithë banorët e Zvicrës duhet ta respektojnë Kushtetutën Federale (p.sh. barazinë midis burrit dhe gruas) dhe të respektojnë ligjet në fuqi. Pos kësaj pritet përkujdesja financiare për veten, nëse ajo është e mundur. Gjithashtu, nga të huajt kërkohet që sa më shpejt ta mësojnë gjuhën që flitet në vendin ku ata banojnë. Integrimi mund të ketë sukses vetëm nëse të dyja palët japin kontribut. Për këtë arsye popullsia vendase pritet të jetë e hapur ndaj të huajve.

Vetpërgjegjësia

Federata, kantonet dhe komunat kujdesen që të huajt të kenë çasje të drejtë në jetën ekonomike, sociale dhe kulturore. Nga ana e tyre, të huajt duhet ta marrin përgjegjësinë për integrimin. Ata pritet të përfitojnë nga ofertat.

Pjesëmarrja në jetën shoqërore

Shogatat ofrojnë një mundësi të mirë për integrim në shoqërinë zvicerane dhe për njohje të njerëzve tjerë. Por edhe festivalet dhe ngjarjet në bashkësinë ku banoni gjithashtu janë të mira për krijimin e kontakteve. Fillimi ndonjëherë mund të jetë paksa i vështirë, ngase jo të gjithë banorët e Zvicrës janë njëlloj të hapur ndaj kulturave të huaja. Ndonjëherë duhet pak këmbëngulje.

Njoftime / mbështetje

Në kantonin Appenzell Ausserrhoden, të ardhurve të rinj u ofrohen pika të ndryshme informimi. Një pikë e mirë fillestare është gjithmonë komuna e banimit. Ekzistojnë gjithashtu pika specifike informimi për migrantët. Informationsstelle Integration ofron informacione mbi jetën në Zvicër dhe përgjigjet pyetjeve konkrete mbi tema të ndryshme. Ata që nuk flasin ende gjermanisht mund të marrin me vete një përkthyes ose të kërkojnë një përkthyes profesionist.

Më shumë informacione (link, adresa, broshura, fletushka)

www.hallo-ar.ch/sq/gjuha-dhe-integrimi/integrimi

Ofertat për integrim

Integrimi para së gjithash bëhet në shkollë dhe në punë. Për personat, që (ende) nuk kanë qasje në këto fusha, ka oferta të ndryshme për integrim.

Informacione të para dhe informacion të shkurtër

Gjatë bisedës së parë, Zyra e Informacionit INFI informon të rinjtë mbi të drejtat, detyrimet dhe jetën në Zvicër dhe Appenzell Ausserrhoden. Temat si arsimi, shëndetësia, puna, të drejtat dhe sigurimet shoqërore trajtohen. Për nevoja të veçanta të integrit, ofrohen mundësi dhe pika kontakti përkatëse.

A keni ende një takim për bisedën e parë informative? Na kontaktoni me email në chancengleichheit@ar.ch ose telefononi në +41 71 353 64 26

Për më tepër, INFI është në dispozicion për të ofruar përgjigje të shpejta për migrantët për pyetje të përditshme.

Keni një pyetje? Na kontaktoni me email në chancengleichheit@ar.ch ose telefononi në +41 71 353 64 26.

Ofertat specifike

Ekzistojnë shumë oferta specifike për të huajt që ndihmojnë ata të integrohen në shoqërinë zvicerane dhe të krijojnë kontakte. Ndër këto oferta përfshihen grupet e diskutimit, aktivitetet e kohës së lirë, ligjëratat apo kurset. Qendra e kontaktit Informationsstelle Integration INFI ose komuna e banimit mund të japin informacion mbi këto oferta. Shumë komuna organizojnë një aktivitet për të mirëpritur banorët e rinj - një mundësi e mirë për të marrë një përmbledhje të parë.

Shoqatat

Shumë banore dhe banorë të kantonit Appenzell Ausserrhoden janë anëtarë në ndonjë shoqatë (Verein). Ka shoqata për interesa të ndryshme. Edhe në komuna të vogla ekzistojnë shoqata për sport-, kulturë dhe shoqata tjera. Ato ofrojnë mundësi ideale për të rënë në kontakt me njerëz tjerë. Shumica e shoqatave janë të hapura për të gjithë njerëzit. Informatat për shoqata gjenden edhe në faqet e internetit të komunave.

Ofertat për të rinjë

Për të rinjët ka në kantonin e Appenzell Ausserrhoden shumë oferta të veçanta, për ta kaluar kohën e lirë dhe për t'u njohur me bashkëmoshatarë. Në shumë komuna ka pikëtakime dhe oferta të ndryshme për ta kaluar kohën e lirë. Të rinjë janë nën përkujdesje, mund t'i sjellin idetë e tyre, projektet e veta t'i zbatojnë (Jugendarbeit). Në parim, ofertat janë falas. Shoqatat rinore ofrojnë mundësi që me bashkëmoshatarë të ndërmirren aktivitete dhe të bëjnë ushtrime sportive në natyrë. Bartës të ofertave janë shoqatat, komunat apo kishat vendore. Ofertat janë të hapura për të gjithë të rinjët. Komuna jep njoftime të mëtutjeshme.

Më shumë informacione (link, adresa, broshura, fletushka)

www.hallo-ar.ch/sq/gjuha-dhe-integrimi/ofertat-per-integrim

Gjuha

Në kantonin Appenzell Ausserrhoden, banorët që nuk flasin gjermanisht pritet të mësojnë gjermanisht. Njohuritë gjuhësore janë parakushti kryesor për integrim të suksesshëm në shoqëri dhe në tregun e punës.

Gjuha letrare gjermane / gjermanishtja zvicerane

Zvicra ka katër gjuhë vendore: gjermanisht, frëngjisht, italisht dhe retoromanisht. Në kantonin Appenzell Ausserrhoden gjuhë zyrtare është gjermanishtja. Ka dallim në mes të gjuhës letrare gjermane (Hochdeutsch) dhe gjermanishtës zvicerane (Schweizerdeutsch). Gjermanishtja letrare flitet në shkollë dhe pjesërisht edhe në radio dhe televizion. Po ashtu shkrimi bëhet në gjuhën letrare gjermane. Ndërkaq në përditshmëri flitet gjermanishtja zvicerane. Kjo është një dialekt i gjermanishtes, që edhe për njerëzit me njohuri të mira të gjuhës gjermane, nuk është gjithnjë e thjeshtë të kuptohet. Nuk pritet që të huajat dhe të huajt të flasin gjermanishten zvicerane, por pas një kohe të caktuar ta kuptojnë. Mund t'u kërkohej zviceranëve të flasin gjuhën letrare gjermane.

Gjermanishtja dhe fëmijët

Rekomandohet që fëmijët që flasin gjuhë tjera, të vihen në kontakt sa më herët që është e mundur me fëmijë që flasin gjuhën gjermane. Grupet për lojëra apo ofertat e veçanta për prindër dhe fëmijë janë ideale për këtë. Prindërit gjithashtu mund t'i mbështesin fëmijët e tyre duke folur shumë me ta, duke i dëgjuar ata, dhe duke u treguar histori. Ata duhet ta bëjnë këtë në gjuhën që dinë më së miri dhe që është më afër tyre.

Përkthimet

Nuk mund të pritet, që dikush menjëherë pas ardhjes së tij të kuptoj dhe të flas mirë gjermanisht. Megjithatë ka situata, në të cilat njeriu duhet të kuptojë. Shumë të ardhur të rinjë i lusin të afërmit apo të njohurit për t'u përkthyer. Në biseda të komplikuara personale ose të besueshme njeriu ndoshta dëshiron ta ketë një përkthyes apo përkthyes profesionist. Shkollat, qendrat këshilluese, mjekët dhe spitalet kanë mundësinë të rezervojnë një përkthim ndërkulturor në shërbimin e ndërmjetësimit Arge Verdi në St. Gallen. Ju lutemi kërkojeni këtë gjatë caktimit të takimit. Për ju është falas.

Më shumë informacione (link, adresa, broshura, fletushka)

www.hallo-ar.ch/sq/gjuha-dhe-integrimi/gjuha

Të mësosh gjermanisht

Për të mësuar mirë gjermanishten, është e këshillushme të ndiqet një kurs i gjermanishtes. Oferta e kurseve në kantonin Appenzell Ausserrhoden është e gjerë dhe e përshtatur për situata të ndryshme jetësore.

Ofrat

Kantoni Appenzell Ausserrhoden dhe komunat mbulojnë një pjesë të kostove për kurset e gjuhës gjermane. Kjo i bën kurset shumë më të përballueshme për pjesëmarrësit.

Shoqata Weiterbildung Appenzeller Mittelland ofron kurse të gjuhës gjermane për të rriturit. Ofrohen kurse në nivelet e gjuhës A1 deri B2.

Nënat me fëmijë nga 2 deri në 4 vjeç mund të ndjekin kurse të përballueshme të gjuhës gjermane në Saint Gallen pranë shoqatës Aida I Bildung + Begegnung. Ndërkohë që nënat mësojnë, fëmijët marrin pjesë në një kurs për fëmijë. Kështu fëmijët mësojnë gjermanisht që në moshë të vogël.

Shërbimi i informacionit INFI ose komuna e vendbanimit ofrojnë informacion mbi ofertat.

Nivelet gjuhësore

"Korniza e Përbashkët Evropiane e Referencës" (GER) përdoret shpesh si pikë referimi për matjen e aftësive gjuhësore në gjermanisht. Gjashtë nivelet e njëpasnjëshme të gjuhës variojnë nga A1 (fillestar) deri në C2 (njohuri të shkëlqyeshme). Shumica e kurseve të gjermanishtes janë të orientuara në këto nivele. Niveli A1 dhe A2 korenspondojnë me njohuritë bazë të gjuhës gjermane. Kush pretendon të arsimohet në një profesione pranuar, duhet në shumicën e rasteve ta zotërojë nivelin B1 apo B2. Niveli C1 dhe C2 për të avancuarit, janë parakusht për të studiuar në universitete.

Më shumë informacione (link, adresa, broshura, fletushka)

www.hallo-ar.ch/sq/gjuha-dhe-integrimi/te-mesosh-gjermanisht